

## Kalendari i lutjes per burra Gusht 2018

1. Perëndia i dha fitoren popullit të Izraelit kur ata u sulmuan nga Amaleku (Eksodi 17: 11-13). Për sa kohë që Moisiu ngrinte duart lart, izraelitët po fitonin. Lutuni që Perëndia t'ju kujtojë që të luftoni betejat tuaja frymore me armët e duhura. (2 Korintasve 10: 4)
2. Kur fitoni betejat tuaja frymore, mos harroni t'i jepni Perëndisë nderin dhe lavdërimin që Ai meriton. (Eksodi 14:14)
3. Mungesa e besimit në Zot i detyroi izraelitët të enden 40 vjet në shkretëtirë para se të hynin në Tokën e Premtuar. Lutuni që gjithmonë do të keni besim tek Ai, në mënyrë që Atij nuk do t'i duhet t'ju dërgojë në një udhëtim shpirtëror nëpër shkretëtirë. (Psalmi 62: 8)
4. Kur qëndroni pranë Perëndisë, ai ka premtuar që do të qëndrojë pranë jush gjithashtu. Falenderoni Atë dhe i jepni Atij lavdërim! (Jakobi 4: 8)
5. Një nga heronjtë më pak të njohur nga Dhiata e Vjetër është Enoku. Por një gjë e mrekullueshme është thënë për të: "*Enoku eci me Perëndinë*" (Zan. 5:24). Lutuni që Perëndia t'ju ndihmojë të jetoni jetën tuaj si Enoku.
6. Perëndia gëzohet për ne, sepse ne jemi fëmijët e tij (Zef. 3:17). Lejo gëzimin dhe mirënjohjen për dashurinë dhe hirin e Perëndisë për të përshkuar të menduarin tuaj dhe ndjenjat tuaja sot.
7. Lutuni që burrat të ndjekin këshillën, nxitjen e Perëndisë dhe të bëjnë përpjekje për të festuar arritjet dhe bekimet e mëdha dhe të vogla me familjet e tyre. (Zakaria 4:10)

8. Gratë dhe fëmijët lulëzojnë në një mjedis ku ata ndihen të lirë nga kërcënimet fizike ose emocionale. Lutuni që etërit do të tregojnë kontroll të perëndishëm mbi emocionet e tyre. (Mateu 5: 5)

9. Pas një divorci, shumë burra nuk i mbështesin financiarisht fëmijët e tyre në nivelin që duhet. Disa madje nuk japin asnjë mbështetje financiare. Lutuni që Zoti do të nxisë zemrat e tyre për të siguruar mbështetjen e nevojshme financiare për fëmijët e tyre. (1 Tim. 5: 8)

10. Fëmijët, veçanërisht djemte(bijtë), do të imitojnë veprimet dhe fjalët e babait të tyre. Lutuni që etërit do të modelojnë bindjen besnike ndaj Perëndisë në të gjitha rrethanat. (Psalmi 15: 4)

11. Një nga sfidat më të mëdha të burrit është kur besimi i një gruaje lëkundet. Lutuni që këta burra të qëndrojnë besnikë ndaj Zotit të tyre dhe t'i tërheqin gratë e tyre te Perëndia. (Jobi 2:9-10)

12. Oh Zot, nganjëherë ndihem kaq i vetmuar. Duket sikur të gjithë më kanë braktisur. Unë ndihem sikur edhe Ti nuk je aty. Por më kujto se ti je me mua. Më shumë se kaq madje, Ti je në mua! Prandaj, unë jam një njeri i fuqishëm. Forca dhe guximi im vijnë nga Ti. (Gjyqtarët 6:12)

13. I dashur Zot, unë jam kaq i lodhur. Ku është "pushimi" për të cilin flet Bibla? Kuptoj që unë kam qenë aq i zënë duke punuar për TY, sa që nuk kam qenë në gjëndje për të pushuar në Ty. Më udhëzo të besoj që të mund të pushoj. Unë besoj, Zot. Tani puno përmes meje ndërkohë që unë pushoj në ty. (Hebrenjve 4: 3)

14. Zot Jezus, ti e ke bërë jetën kaq të thjeshtë. Ti më ke shpenguar dhe më ke bërë të drejtë në Ty, që unë të mund të jetoj nëpërmjet teje. Prandaj, heq dorë duke u përpjekur për të jetuar për Ty.

Unë të besoj Ty që të jetosh jetën tënde nëpërmjet meje. Tani me të vërtetë po jetoj me anë të besimit të Birit të Perëndisë! (Romakëve 1:17)

15. I dashur Zot, unë rrëfej se kam parë në drejtimin e gabuar. Unë kam drejtuar sytë nga qeveria, njerëzit e tjerë dhe madje edhe nga vetja ime për të përmbushur nevojat e mia. Por unë pendohem! Unë tani do shoh drejt teje, Zot Jezu Krisht. Ti je autori i besimit tim. Ti ke filluar punën e mirë në mua dhe vetëm Ti mund të jesh plotësuesi i besimit tim. (Heb 12: 2)

16. Lutja kultivon një qëndrim gëzimi dhe lavdërimi. "U gëzofshin dhe ngazëllofshin te ti të gjithë ata që të kërkojnë, dhe ata që duan shpëtimin tënd thëncin vazhdimisht: "U përlëvdoftë Perëndia! "(Psalmi 70: 4). Motivi ynë në ndërmjetësim është të lavdërojmë Perëndinë nëpërmjet adhurimit tonë.

17. Por Pjetri tha të calit: "Unë nuk kam as argjend, as ar, por atë që kam po ta jap: në emër të Jezu Krishtit Nazarenas, çohu dhe ec!" Dhe, si e kapi nga dora e djathtë, e ngriti në këmbë; dhe në atë çast iu forcuan këmbët dhe nyjet. Dhe me një të hovur u ngrit në këmbë dhe filloi të ecë; dhe hyri me ta në tempull, duke ecur, duke u hedhur dhe duke lavdëruar Perëndinë."(Veprat 3: 6-8) Lutuni që ju, gjithashtu, t'u ofroni njerëzve shpresë dhe një jetë të bollshme shpirtërore në emër të Zotit Jezu Krisht!

18. Profeti Daniel shërbeu në oborret mbretërore të Babilonisë dhe Medo-Persisë. Cili ishte sekret i suksesit dhe integritetit të këtij kampioni? "I pëlqeu Darit të vendosë mbi mbretërinë njëqindnjëzet satrapë, të cilët, të ishin në krye të gjithë mbretërisë. dhe mbi ta kishte tre prefektë, nga të cilët njëri ishte Danieli, të cilëve këta satrapë duhet t'u jepnin llogari, më qëllim që mbreti të mos pësonte asnjë dëm. Danieli

shkëlqente mbi prefektët dhe satrapët e tjerë, sepse ai kishte një frymë më të lartë, dhe mbreti mendonte ta vendoste mbi tërë mbretërinë. Atëherë prefektët dhe satrapët kërkuan të gjenin një pretekst kundër Danielit lidhur me administrimin e mbretërisë, por nuk mundën të gjejnë asnjë pretekst apo korruptim, sepse ai ishte besnik dhe nuk mundën të gjejnë tek ai asnjë gabim apo korruptim. Atëherë këta njerëz thanë: "Nuk do të gjejmë kurrë ndonjë pretekst kundër Danielit, veç se po ta gjejmë kundër tij në vet ligjin e Perëndisë të tij." (Danieli 6: 1-5) .

19. Lutemi që burrat e Perëndisë të dallojnë vullnetin dhe mënyrën e tij dhe të jetojnë një jetë të mirë dhe të frytshme. *"Prandaj edhe ne, nga dita që e dëgjuam këtë, nuk pushojmë të lutemi për ju dhe të kërkojmë që të mbusheni me njohjen e vullnetit të tij me çdo urtësi dhe mënçuri frymërore, që të ecni në mënyrë të denjë për Zotin, që t'i pëlqeni atij në çdo gjë, duke sjellë fryt në çdo vepër të mirë dhe duke u rritur në njohjen e Perëndisë,"* (Kolos. 1: 9-10).

20. Jeta e krishterë nuk është një shëtitje në park. Princi i kësaj bote sulmon ata që besojnë në Krishtin si shpengues të tyre. Lutuni të mbani mend gjithmonë të vërtetën përfundimtare, se Jezusi e ka kapërcyer përgjithmonë dhe e ka ekspozuar të ligun. "Qëndroni, pra, të fortë, duke patur në një brezin e së vërtetës" (Efesianëve 6: 14a).

21. Zemra jonë është shumë e prekshme dhe lehtësisht e mashtrueshme. Mos besoni në synimet dhe përpjekjet tuaja të mira. Përkundrazi, besoni në veprën shpenguese të Krishtit, që ju shpëton. "të veshur me parzmoren e drejtësisë,..." (Efesianëve 6: 14b).

22. Lajmi i mirë i Shkrimit është ky: që nëpërmjet Krishtit, njerëzit mund të kenë paqe me Perëndinë.

Mos u mundoni ta ktheni këtë në një lloj doktrine fetare ndërluftuese. Përkundrazi, lutuni të jeni një zëdhënës i gëzuar për Krishtin "dhe duke mbathur këmbët me gatishmërinë e ungjillit të paqes," (Efesianëve 6:15).

23. Për të qenë në gjendje të mbrojmë mendjen dhe emocionet nga presionet e jashtme, akuzat dhe dyshimet që Armiku hedh në rrugën tonë, ne duhet të jemi të fortë në brendësi. Sepse Krishti banon në besimtarin, ne jemi në gjendje *"të marrim mburojën e besimit, me të cilën mund të shuajmë të gjitha shigjetat e zjarra të të ligut."* (Efesianëve 6:16).

24. Mendja është rrugë për zemrën. Nëse e keni besuar Krishtin si Shpëtimtarin tuaj dhe e keni dorëzuar vullnetin tuaj tek ai, ju e dini me siguri se jeni në anën e fituesit, pavarësisht nga rrethanat. Prandaj, "merr përkrenaren e shpëtimit" (Efesianëve 6:17). Lutuni që të jeni në gjendje t'i kapni rob mendimet tuaja nën bindjen e Krishtit.

25. Ekziston një armë shpirtërore, që djalli ka frikë më shumë se çdo gjë, dhe kjo është Fjala e Perëndisë. Është "shpata e Shpirtit" (Efesianëve 6: 17b). Lutuni që të bëheni student i Fjalës. Kujtoni shkrimet e shenjta dhe mësoni t'i zbatoni ato ndërsa kaloni ditën tuaj. Në këtë mënyrë, ju do të kapërceni tundimin dhe do të bëheni një njeri i fuqishëm i Perëndisë.

26. Lutja është litari ynë i shpëtimit. Nëpërmjet lutjes ne jemi të lidhur me Perëndinë e universit dhe kemi pjesë në punën e tij në botë - *"duke u lutur në çdo kohë dhe me çdo lloj lutjeje dhe përgjërimit në Frymën, duke ndenjur zgjuar për këtë qëllim me çdo ngulmim dhe lutje për të gjithë shenjtorët"* (Efes. 6:18).

27. Lutuni për efikasitetin e transmetimeve të TWR-së në mbi 230 gjuhë nëpërmjet mjeteve të shumta

mediatike. Raportet nga shumë mijëra dëgjues dëshmojnë se si Fjala e Perëndisë depërton në zemrat dhe ndryshon jetën. (Psalmi 147:15)

28. Lutuni për koordinatoret e studimit dinamik të Biblës për burrat "Çdo burrë është një luftëtar" në 22 vende. "Çdo burrë është një luftëtar" ndihmon burrat të zhvillojnë aftësi për të ecur me Perëndinë; të udhëheqin shtëpitë e tyre; të merren me çështjet që përfshijnë paratë, punën, seksin dhe kohë të vështira; dhe të cmojnë jetët e tyre. (Kolozianëve 1:28)

29. Mjetet e sotme të komunikimit të menjëhershëm lehtësojnë rritjen e konflikteve ndërmjet pikëpamjeve, vlerave dhe interesave të ndryshme. Kompromisi është bërë një fjalë kyçe ndërsa udhëheqësit botërorë kërkojnë zgjidhje të pranueshme reciprokisht. Lutuni që të krishterët në qeveri të jenë të mençur dhe autentikë në dëshminë e tyre si agjentë të ungjillit të paqes. (Mateu 5: 14-16)

30. Ashtu si në ditët e kishës së hershme, të krishterët po përndiqen për shkak të besimit të tyre. Lista e Vëzhgimit Botëror të Dyerave të Hapura raporton se 215 milionë të krishterë po përjetojnë nivele të larta të persekutimit. Kjo barazohet me 1 në 12 të krishterë që vuajnë nga persekutimi. Lutuni për kishën e persekutuar. Lutuni që Zoti t'i tërheqë këta besimtarë që të shohin tek Ai dhe të mos humbasin shpresën. (Heb. 12: 1-2)

31. Lutuni për burrat dhe gratë në qeveri që të kuptojnë se frika e Zotit është mençuria e vërtetë. Në fund, ata do t'i japin llogari Krishtit, para të cilit çdo gju do të përkulet. Lutuni për përhapjen e ungjillit sot. Lutuni që pastorët dhe udhëheqësit në bashkësinë e krishterë të jenë të përlulur dhe besnikë në dëshminë e tyre. (Dani.12: 3)